

## ORMSBY-GORE, WILLIAM GEORGE ARTHUR (1885 - 1964), 4ydd Barwn HARLECH gwleidydd a banciwr

**Enw:** William George Arthur Ormsby-gore

**Dyddiad geni:** 1885

**Dyddiad marw:** 1964

**Priod:** Beatrice Edith Mildred Ormsby-Gore (née Gascoyne-Cecil)

**Plentyn:** Mary Hermione Mayall (née Ormsby-Gore)

**Plentyn:** Owen Gerard Cecil Ormsby-Gore

**Plentyn:** William David Ormsby-Gore

**Plentyn:** Katherine Margaret Alice Macmillan (née Ormsby-Gore)

**Plentyn:** John Julian Stafford Ormsby-Gore

**Plentyn:** Elizabeth Jane Pease (née Ormsby-Gore)

**Rhiant:** Margaret Ethel Ormsby-Gore (née Gordon)

**Rhiant:** George Ralph Charles Ormsby-Gore

**Rhyw:** Gwryw

**Galwedigaeth:** gwleidydd a banciwr

**Maes gweithgaredd:** Gwleidyddiaeth a Mudiadau Gwleidyddol; Economeg ac Arian; Celf a Phensaerniaeth; Teuluoedd Brenhinol a Bonheddig

**Awdur:** Gwyn Jenkins

Ganwyd yn Llundain, 11 Ebrill 1885, yn fab i George Ralph Charles Ormsby-Gore (a ddaeth yn 3ydd Barwn Harlech yn 1904) a'r Fonesig Margaret Ethel (ganwyd Gordon). Y cartref teuluol oedd Brogyntyn, ger Croesoswallt, Swydd Amwythig. Fe'i haddysgwyd yn Eton a Rhydychen ac yn 1913 priododd y Fonesig Beatrice Cecil, un o deulu o Geidwadwyr blaenllaw.

Yn 1910 etholwyd ef yn A.S. dros Fwrdeistref Dinbych o wyth pleidlais yn unig ond yn 1918 symudodd i sedd ddiogelach yn Stafford a bu'n A.S. yno hyd 1938 pan olynodd ei dad i Dŷ'r Arglwyddi. Daeth yn arbenigwr ar drefedigaethau'r Ymerodraeth a bu'n Is-Ysgrifennydd Gwladol dros y Trefedigaethau o 1922 hyd 1929 ac eithrio am y cyfnod byr pryd yr oedd Llafur mewn grym yn 1924. Yn y flwyddyn honno arweiniodd y Comisiwn a ymwelodd â Dwyrain a Chanolbarth Africa. Yr oedd yn aelod o'r Cabinet o 1931 hyd 1938 ac yn 1936 penodwyd ef yn Ysgrifennydd Gwladol dros y Trefedigaethau lle'r oedd ei brofiad eang o'r maes yn amhrisiadwy. Fodd bynnag daeth un o'i elynion gwleidyddol pennaf, Neville Chamberlain, yn Brifweinidog yn 1937 a'r flwyddyn ganlynol ymddiswyddodd mewn amgylchiadau chwerw. Gwrthwynebodd bolisiau tramor Chamberlain ac yr oedd yn feirniad cyson o'r Naziaid. Yn gyffredinol, yr oedd yn wleidydd didwyll a blaengar er yn fyrbwyll ar adegau.

Ar ôl ymdeol o'r byd gwleidyddol trodd ei sylw at fancio ac at ei ddiadordebau yn y celfyddydau. Yr oedd eisoes wedi cyhoeddi *Florentine sculptors of the fifteenth century* (1930), *A guide to the Mantegna cartoons at Hampton Court* (1935), a *Guides to the ancient monuments of England* (3 cyfrol). Cyflwynodd ef a'i dad gasgliad gwerthfawr o **lawysgrifau Brogyntyn** ar adnau i Lyfrgell Genedlaethol Cymru (fe'u prynwyd yn ddiweddarach) ac ef oedd Llywydd y Lyfrgell o 1950 hyd 1958. Yr oedd hefyd yn Ddirprwy Ganghellor Prifysgol Cymru ac yn Gwnstabl cestyll Harlech a Chaernarfon. Bu farw 14 Chwefror 1964. Olynwyd ef gan ei fab **David Ormsby-Gore**.

### Awdur

Gwyn Jenkins

### Ffynonellau

*Obituaries from 'The Times', 1961-1970; Including an index to all obituaries and tributes appearing in 'The Times' during the years 1961-1970* (1975), 350

K. E. Robinson, *Ormsby-Gore, William George Arthur, fourth Baron Harlech (1885-1964)* *Oxford Dictionary of National Biography*

John Harvey (gol.), *The diplomatic diaries of Oliver Harvey 1937-40* (Llundain 1970)

### Darllen Pellach

ODNB: *Gore, William George Arthur Ormsby-, fourth Baron Harlech (1885-1964)*

Erthygl Wicipedia: *William George Arthur Ormsby-Gore, 4ydd Barwn Harlech*

### Delweddau

Ernest David Bell, *William Ormsby-Gore (1885-1964), 4th Baron Harlech*

### Dolenni Ychwanegol

VIAF: 11744374

Wikidata: Q2908365

**Dyddiad cyhoeddi:** 1997

**Hawffraint Erthygl:** <https://creativecommons.org/licenses/by-sa/4.0/>



Arddull APA



Jenkins, G., (1997). ORMSBY-GORE, WILLIAM GEORGE ARTHUR (1885 - 1964), 4ydd Barwn HARLECH gwleidydd a banciwr. Y Bywgraffiadur Cymreig. Adferwyd 14 Tac 2024, o <https://bywgraffiadur.cymru/article/c4-ORMS-ART-1885>

Diwylliant

Preifatrwydd a Chwcis  
Hawlfraint  
Y Prosiect  
Cymorth  
Cysylltu

LGC  
NLW

LLYFRGEL  
THE NATION



Nodi gan  
Llywodraeth Cymru  
Sponsored by  
Welsh Government